

大智度論

第五十七

二百十三
形七

48893



元祿九年丙子二月日重脩

皇圖瓊閣 帝階銀昌

佛日增輝 懋輪常轉

山城州天安寺法金剛院置



大智度論卷第五十七

形

龍樹菩薩造

姚秦三藏法師鳩摩羅什譯

釋大明品第三十二

尔時佛告釋提桓因。若有善男子善女人聞
 是深般若波羅蜜受持親近讀誦正憶念不
 離薩婆若心。兩陣戰時。是善男子善女人誦
 般若波羅蜜。故入軍陣中。終不失命。刀箭不
 傷。何以故。是善男子善女人。長夜行六波羅
 蜜。自除姪。欲刀箭亦除。他人姪欲刀箭。自除
 瞋恚。刀箭亦除。他人瞋恚。刀箭自除。愚癡。刀
 箭亦除。他人愚癡。刀箭自除。邪見。刀箭亦除。
 他人邪見。刀箭自除。纏垢。刀箭亦除。他人纏



垢刀箭自除諸結使刀箭亦除他人縛使刀
箭憍尸迦以是因緣是善男子善女人不為
刀箭所傷復次憍尸迦是善男子善女人聞
是深般若波羅蜜受持親近讀誦正憶念不
離薩婆若心若以毒藥薰若以蠱道若以火
坑若以深水若欲刀殺若與毒如是衆惡皆
不能傷何以故是般若波羅蜜是大明呪是
無上呪若善男子善女人於明呪中學自不
惱身亦不惱他亦不兩惱何以故是善男子
善女人不得我不得衆生不得壽命乃至知
者見者皆不可得不得色受想行識乃至一
切種種智亦不可得故不自惱身亦

不惱他亦不兩惱。學是大明咒。故得阿耨多
羅三藐三菩提。觀一切衆生心。隨意說法。何
以故。過去諸佛。學是大明咒。得阿耨多羅三
藐三菩提。當來諸佛。學是大明咒。當得阿耨
多羅三藐三菩提。今現在諸佛。學是大明咒。已
得阿耨多羅三藐三菩提。復次。憍尸迦。般若
波羅蜜。若有但書寫經卷。於舍供養。不受不
讀。不誦。不說。不正憶念。是處。若人。若非人。不
能得其便。何以故。是般若波羅蜜。為三千大
千世界中。四天王。諸天。乃至阿迦尼吒。諸天
子。及十方無量阿僧祇世界中。諸四天王。天
乃至阿迦尼吒。諸天等。所守護。故是般若波

羅蜜所止處諸天皆來供養恭敬尊重讚嘆
禮拜已去是善男子善女人般若波羅蜜但
書寫於舍供養不受不讀不誦不說不正憶
念今世得如是功德譬如若人若畜生來入
菩提樹下諸邊內外設人非人來不能得其
便何以故是處過去諸佛於中得阿耨多羅
三藐三菩提形大智度論卷五十七未來諸佛現在諸佛亦於中得
阿耨多羅三藐三菩提得佛已施一切衆生
無恐無畏令無量阿僧祇衆生受天上人中
福樂亦令無量阿僧祇衆生得須陀洹果乃
至得阿耨多羅三藐三菩提般若波羅蜜力
故是處得恭敬禮拜華香瓔珞持香澤香幢

蓋伎樂供養問曰現有受持讀誦入於軍陣
為刀兵所傷或至失命又佛說業因緣非空
非海中魚有得免者是中佛何以故言讀誦
般若者入軍陣中兵刃不傷亦不失命答曰
有二種業因緣一者必應受報二者不必受
報為必應受報故法句中如是說此中為不
必受報故說讀誦般若兵刃不傷譬如大逆
重罪應死之人雖有強力財寶不可得免有
人罪雖入死料理在可救用力勢財物便得
濟命不救則死善男子亦如是若魚必受報
罪雖有死事來至誦讀般若波羅蜜則得濟
度若不讀誦則不免死是故不得言般若波

羅蜜魚有力勢復次善男子善女人若遠離
惡法調伏其心煩惱折滅一心直信善法無
有疑悔從久遠已來修集福德智慧於一切
衆生有慈悲心教化衆生除去惡心如善
男子勿兵不傷命不中斷如佛自說因緣長
夜行六波羅蜜除已身及他三毒刀箭五波
羅蜜是福德般若波羅蜜是智慧已廣集此
二事故不中失命毒藥水火等亦如是復次
如外道神仙咒術力故入水不溺入火不熱
毒虫不螫何況般若波羅蜜是十力諸佛所
因成就呪術問曰如上所說是事可信今此
中不能受持讀誦念般若等但書寫供養云

形 大智度論卷五十七

三

何得是功德答曰是人所得功德亦同於上
何以故有人先已聞師說般若義深入愛樂
然不識文字違離師故不能讀誦而不惜財
寶雇人書寫盡心種種供養意與讀誦者同
故亦得功德人不能得便者諸天守護是事
難信故佛以菩提樹為喻佛以般若力故於
菩提樹下成無上道無上道力勢故其處猶
有威德衆生入中衆惡不得其便何況般若
波羅蜜是諸佛之母善男子盡心供養而無
功德釋提桓因白佛言世尊善男子善女人
書寫般若波羅蜜花香瓔珞乃至伎樂供養
若有人佛般涅槃後若供養舍利若起塔供

養恭敬尊重讚^嘆香瓔珞乃至伎樂供養

是二何者得福多佛告釋提桓因我還問汝
隨汝意答我於汝意云何如佛得一切種智

及得是身從何道學得是一切種智得是身

釋提桓因白佛言佛從般若波羅蜜中學得

一切種智及相好身佛告釋提桓因如是如

是^形僑尸迦從般若波羅蜜中學得一切種智

大智度論卷第七

僑尸迦不以是身名為佛得一切種智故名

為佛僑尸迦是佛一切種智從般若波羅蜜

中生以是故僑尸迦是佛身一切種智所依

處佛因是身得一切種智善男子當作是思

惟是身一切種智所依處是故我涅槃後舍

利當得供養。復次憍尸迦。善男子。善女人。若
聞是般若波羅蜜。書寫受持。親近讀誦。正憶
念。華香瓔珞。持香澤香。幢蓋伎樂。恭敬供養。
尊重讚嘆。是善男子。善女人。則為供養一切
種智。以是故。憍尸迦。若有善男子。善女人。書
是般若波羅蜜。若受持親近。讀誦。說正憶念。
供養恭敬。尊重讚嘆。華香瓔珞。乃至伎樂。若
復有善男子。善女人。佛涅槃後。供養舍利。起
塔恭敬。尊重讚嘆。華香。乃至伎樂。若有善男
子。善女人。是般若波羅蜜。書持供養。恭敬尊
重。讚嘆。華香瓔珞。乃至伎樂。是人得福多。何
以故。是般若波羅蜜。生五波羅蜜。生內空。乃

至無法有法空四念處乃至十八不共法一
切三昧一切禪定一切陀羅尼皆從般若波
羅蜜中生成成就衆生淨佛世界皆從般若波
羅蜜中生菩薩家成就色成就資生之物成
就眷屬成就大慈大悲成就皆從般若波羅
蜜中生殺利大姓婆羅門大姓居士大家皆
從是般形若波羅蜜中生四天王五乃至阿迦
尼吒天須陀洹乃至阿羅漢辟支佛諸菩薩
摩訶薩諸佛諸佛一切種智皆從是般若波
羅蜜生尔時釋提桓因白佛言世尊閻浮提
人不供養般若波羅蜜不恭敬不尊重不讚
嘆為不知供養多所利益耶佛告釋提桓因

僑尸迦於汝意云何閻浮提中幾所人信佛
不壞信法信僧不壞幾所人於佛無疑於法
於僧無疑幾所人於佛決了於法於僧決了
釋提桓因白佛言世尊閻浮提人於佛法僧
不壞信少於佛法僧無疑決了亦少僑尸迦
於汝意云何閻浮提幾所人得三十七品三
解脫門八解脫九次第定四無礙智六神通
閻浮提幾所人斷三結故得須陀洹道幾所
人斷三結亦婬瞋癡薄故得斯陀含道幾所
人斷五下分結得阿那含道幾所人斷五上
分結得阿羅漢閻浮提幾所人求辟支佛幾
所人發阿耨多羅三藐三菩提心釋提桓因

白佛言世尊閻浮提中少所人得三十七品
乃至少所人發阿耨多羅三藐三菩提心佛
告釋提桓因如是如是憍尸迦少所人信佛
不壞信法不壞信僧不壞少所人於佛無疑
於法無疑於僧無疑少所人於佛決了於法
決了於僧決了憍尸迦亦少所人得三十七
形 大智度論卷五十七
品三解脫門八解脫九次第定四無礙智六
神通憍尸迦亦少所人斷三結得須陀洹斷
三結亦婬瞋癡薄得斯陀含斷五下分結得
阿那含斷五上分結得阿羅漢少所人求辟
支佛於是中亦少所人發阿耨多羅三藐三
菩提心於發心中亦少所人行菩薩道何以

故是衆生前世不見佛不聞法不供養比丘
僧不布施不持戒不忍辱不精進不禪定無
智慧不聞內空外空乃至無法有法空亦不
聞不修四念處乃至十八不共法亦不聞不
修諸三昧門陀羅尼門亦不聞不修一切智
一切種智憍尸迦以是因緣故當知少所衆
生信佛不壞信法不壞信僧不壞乃至少所
衆生求辟支佛道於是中少所衆生發阿耨
多羅三藐三菩提於發心中少所衆生行菩
薩道於是中亦少所衆生得阿耨多羅三藐
三菩提憍尸迦我以佛眼見東方無量阿僧
祇衆生發心行阿耨多羅三藐三菩提心行

菩薩道是衆生遠離般若波羅蜜方便力故
若一若二住阿鞞跋致地多隨聲聞辟支佛
地南西北方四維上下亦如是以是故憍尸
迦善男子善女人發心求阿耨多羅三藐三
菩提者應聞般若波羅蜜應受持親近讀誦
說正憶念受持親近讀誦說正憶念已應書
形 大智度論卷五十七
經卷恭敬供養尊重讚嘆香華瓔珞乃至伎
樂諸餘善法入般若波羅蜜中者亦應聞受
持乃至正憶念何等是諸餘善法所謂檀波

羅蜜尸羅波羅蜜羸提波羅蜜毗梨耶波羅
蜜禪波羅蜜內空外空乃至無法有法空諸
三昧門諸陀羅尼門四念處乃至十八不共

法大慈大悲如是等無量諸善法皆入般若
波羅蜜中是亦應聞受持乃至正憶念何以
故是善男子善女人當如是念佛本為菩薩
時如是行如是學所謂般若波羅蜜禪波羅
蜜毗梨耶波羅蜜羸提波羅蜜尸羅波羅蜜
檀波羅蜜內空乃至無法有法空諸三昧門
諸陀羅尼門四念處乃至十八不共法大慈
大悲如是等無量佛法我等亦應隨學何以
故般若波羅蜜是我等所尊禪波羅蜜乃至
無量諸餘善法亦是我等所尊此是諸佛法
印諸辟支佛阿羅漢阿那含斯陀含須陀洹
法印諸佛學是般若波羅蜜乃至一切種智

得度彼岸諸辟支佛阿羅漢阿那含斯陀會
須陀洹亦學是般若波羅蜜乃至一切種智
得度彼岸以是故憍尸迦善男子善女人若
佛在世若般涅槃後應依止般若波羅蜜禪
波羅蜜毗梨耶波羅蜜羸提波羅蜜尸羅波
羅蜜檀波羅蜜乃至一切種智亦應依止何
以故形大智度論卷五十七是般若波羅蜜乃至一切種智是諸聲
聞辟支佛菩薩摩訶薩及一切世間天人阿
脩羅所可依止問曰佛以種種讚般若功德
今釋提桓因何故以舍利拔般若功德多少
答曰信根多者喜供養舍利慧根多者好讀
誦經法是故問有人書經供養有人供養

利何所為多華香瓔珞等義如先說於汝
云何者四事問中此是反問答是故佛即是
反問釋提桓因或有人供養舍利得福德多
或有人供養般若波羅蜜得福德亦多隨人
心故佛不得一定答是故反問從般若波羅
蜜中生五波羅蜜者後品中佛自說無方便
智慧布施迴向不名檀波羅蜜十八空即是
智慧智慧因緣故生四念處乃至一切種智
雖非盡是智慧以性同故以智慧為主是故
言從般若若生行般若若波羅蜜得諸法實相於
布施持戒等通達若不得般若實相不能通
達布施持戒何以故若一切法空則無罪與

福何用布施持戒若諸法實有不應從日緣
生先已有故若衆生是常則譬如虛空亦無
死者若無常神則隨身滅亦無後世罪福若
無衆生何有殺罪如是亦無不殺生成等若
得是般若波羅蜜實相法則不墮有無二邊
用中道通達布施持戒等以此布施持戒等
果報故有利利大姓乃至諸佛問曰閻浮提

形大智度論卷五十七

九

人多貪利福德何以不供養般若波羅蜜答
曰智人少故不知供養般若無咎譬如金寶
盲者不識以閻浮提人但信三寶者少何況
知而能行佛欲令釋提桓因自說故反問有
幾許人於三尊得不壞信等問曰不壞信與

疑決了有何差別答曰有人言無有差別佛
莊嚴種種說開悟人心故有人言於三寶中
得不壞信何以知之以無疑故何以知無疑
以決了故問曰無疑決了有何異答曰初信
三寶故是無疑智慧究竟故決了譬如度水
初入是無疑出彼岸是決了三分聖戒力故
信不壞四分力故是無疑正見分力故是決
了復次見諦道中是不壞信思惟道中是無
疑無學道中是決了如是等種種分別是三
事得何果報從三十七品至六神通是有為
果三結盡乃至煩惱及習盡是無為果得如
是等果報釋提桓因有報生知他心亦曾以

天耳聞諸道差別又以是大菩薩利根入觀
衆生心三昧故得知諸道差別是故答佛深
信者少從須陀洹乃至初發心求佛道轉少
轉少故不知供養般若若何以故少前世生死
中不聞三寶名乃至不聞一切種智名佛欲
證上事故說我今以佛眼觀十方無量阿僧
祇衆生形發無上道大智度論卷五十七離般若方便力故若一若
二住阿毗跋致地諸餘善法入般若波羅蜜
者是諸餘經所謂法華經密迹經等十二部
經中義同般若者雖不名為般若波羅蜜經
然義即理同般若波羅蜜問曰云何須陀洹
亦學般若波羅蜜乃至一切種智得到彼岸

答曰此中六波羅蜜三解脫門三十七品類
乃至一切種智此非獨菩薩法三乘共有各
隨分學憍尸迦若有善男子善女人佛般涅槃
後為供養佛故作七寶塔高一由旬天香
天華天瓔珞天持香天澤香天衣天幢蓋天
伎樂供養恭敬尊重讚嘆憍尸迦於汝意云
何是善男子善女人從是因緣得福多不釋
提桓因言世尊甚多甚多佛言不如是善男
子善女人間是般若波羅蜜書寫受持親近
正憶念不離薩婆若心亦恭敬尊重讚嘆若
華香瓔珞持香澤香幢蓋伎樂供養是善男
子善女人福德多佛告憍尸迦置一七寶塔

若善男子善女人供養佛故佛般涅槃後起
七寶塔滿閻浮提皆高一由旬恭敬尊重讚
嘆華香瓔珞幢蓋伎樂供養憍尸迦於汝意
云何是善男子善女人得福多不釋提桓因
言世尊其福甚多佛言不如是善男子善女
人如前供養般若波羅蜜其福甚多憍尸迦
形大智度論卷五十七復置一閻浮提滿中七寶塔有善男子善女
人供養佛故佛般涅槃後起七寶塔滿四天
下皆高一由旬供養如前憍尸迦於汝意云
何是善男子善女人其福多不釋提桓因言
甚多甚多佛言不如是善男子善女人書持
般若波羅蜜恭敬尊重讚嘆華香乃至伎樂

供養其福甚多。憍尸迦復置四天。下滿中七寶塔。若有善男子善女人。供養佛故。佛涅槃後。起七寶塔。滿小千世界。皆高一由旬。供養如前。憍尸迦。汝意云何。是善男子善女人。其福多不。釋提桓因言。甚多。佛言。不如是善男子善女人。書是般若波羅蜜受持恭敬。尊重讚嘆。華香乃至伎樂。供養其福甚多。憍尸迦。復置小千世界。滿中起七寶塔。若有善男子善女人。供養佛故。佛涅槃後。起七寶塔。滿二千中世界。皆高一由旬。供養如前。故不如供養般若波羅蜜。其福甚多。復置二千中世界。七寶塔。若有善男子善女人。供養佛故。

佛般涅槃後起七寶塔滿三千大千世界皆
高一由旬盡形壽供養天華天香天瓔珞乃
至天伎樂於汝意云何是善男子善女人得
福多不釋提桓因言世尊甚多甚多佛言不
如是善男子善女人書持是般若波羅蜜恭
敬尊重讚嘆華香乃至伎樂供養其福甚多
復置形大智度論卷五十七三千大千世界中七寶塔若三千大千
世界中衆生一一衆生供養佛故佛般涅槃
後各起七寶塔恭敬尊重讚嘆華香乃至伎
樂供養若有善男子善女人書持般若波羅
蜜乃至正憶念不離薩婆若心亦恭敬尊重
讚嘆華香瓔珞乃至伎樂供養是人得福甚多

多釋提桓因白佛言如是如是世尊是人供養
恭敬尊重讚嘆是般若波羅蜜則為供養
過去未來現在佛世尊若十方如恒河沙等
世界中衆生一一衆生供養佛故佛般涅槃
後各起七寶塔高一由旬是人若一劫若減
一劫恭敬尊重讚嘆華香乃至伎樂供養世
尊是善男子善女人得福多不佛言甚多釋
提桓因言有善男子善女人書持是般若波
羅蜜乃至正憶念亦恭敬尊重讚嘆華香乃
至伎樂供養其福大多何以故世尊一切善
法皆入般若波羅蜜中所謂十善道四禪四
無量心四無色定三十七品三解脫門空無

八

相魚作四諦苦諦集諦滅諦道諦六神通八
解脫九次第定檀波羅蜜尸羅波羅蜜羼提
波羅蜜毗梨耶波羅蜜禪波羅蜜般若波羅
蜜內空乃至無法有法空諸三昧門陀羅尼
門佛十力四無所畏四無礙智大慈大悲十
八不共法一切智道種智一切種智世尊是
名一切諸佛法印是法中一切聲聞及辟支

形

大智度論卷五十七

十三

佛過去未來現在諸佛學是法得度彼岸
釋曰般若波羅蜜若聞受持讀誦等有無量
功德更欲說故以現事譬喻證之人見土塔
高大即時生心謂是塔主福德極大何況七
寶起塔高一由旬是故佛以塔為喻問曰是

塔為實為假。答曰：佛欲使人解知分別福德多少，故作是譬喻。不應問其虛實。有人言有實，有假如迦葉佛般涅槃後，有國王名吉黎姑，爾時人壽二萬歲，是王為供養舍利，故起七寶塔，高五十里。又過去世，有轉輪王名德主，一日起五百塔，高五十由旬。此言滿三千大千世界，是事假喻。有人言皆是實有，如小國王隨力起七寶塔，大王能起一由旬七寶塔，或過一由旬。小轉輪王能起七寶塔，滿四天下。大轉輪王能起七寶塔，過四天下。梵天王主三千大千世界，是佛弟子能心生變化。起塔高至梵天，滿三千大千世界。或有菩薩

得陀羅尼門諸三昧門深行六波羅蜜故佛
滅度後能起七寶塔滿三千大千世界滿者
舉其多故不言問不容問後言一一衆生者
施主多故福德多佛是中自說得福因緣十
善道乃至一切種智皆攝在般若波羅蜜中
和合是法名為般若波羅蜜是般若中但出
大智度論卷五十七
生佛尚當供養何況出生三乘及人天中樂
皆因般若波羅蜜有而不供養舍利是無記
法是諸善法所依止處故後乃能與人果報
行般若波羅蜜即時得果後亦得報

大智度釋論述成呂第三十三

尔時佛告釋提桓因如是如是憍尸迦是諸

善男子善女人書是般若波羅蜜持經卷受
學親近讀誦說正憶念加復供養華香瓔珞
持香澤香幢蓋伎樂當得無量無數不可思
議不可稱量無邊福德何以故諸佛一切智
一切種智皆從般若波羅蜜中生諸菩薩摩
訶薩此禪波羅蜜毗梨耶波羅蜜羸提波羅蜜
尸羅波羅蜜檀波羅蜜皆從般若波羅蜜中
生內空乃至無法有法空四念處乃至十八
不共法皆從般若波羅蜜中生諸佛五眼皆
從般若波羅蜜中生成就衆生淨佛世界道
種智一切種智諸佛法皆從般若波羅蜜中
生聲聞乘辟支佛乘佛乘皆從般若波羅蜜

中生以是故憍尸迦善男子善女人書是般
若波羅蜜受持經卷親近讀誦說正憶念加
復供養華香乃至伎樂過出前供養七寶塔
百分千分千億萬分乃至等數譬喻所不能
及何以故憍尸迦若般若波羅蜜在於世者
佛寶法寶比丘僧寶亦終不滅若般若波羅
蜜在於世者十善道四禪四無量心四無色
定檀波羅蜜乃至般若波羅蜜四念處乃至
十八不共法一切智一切種智皆現於世若
般若波羅蜜在於世者世間便有利利大姓
婆羅門大姓居士大家四天王天乃至阿迦
尼吒諸天須陀洹果乃至阿羅漢果辟支佛

大智度論卷五十七

十五

道菩薩摩訶薩無上佛道轉法輪成就衆生
淨佛世界釋曰上答佛言供養般若福德甚
多更有大天以帝釋非一切智人故所說或
錯是以佛即可所說言如是如是問曰若般
若波羅蜜相一切諸觀滅語言道斷不生不
滅如虛空相今何以說般若在世者三寶不
滅。答曰般若波羅蜜體性有佛無佛常住不
滅此言在世者所謂般若經卷可修習讀誦
者是因中說果譬如井深綆短不及便言失
井井實不失般若波羅蜜實相如深井經卷
名為綆行者不能書寫修習故言滅問曰若
說三寶盡攝一切善人善法何以復言般若

在世者世間有十善道乃至一切種智卷四
此諸法及諸道皆廣解三寶中義佛寶者佛
法所攝無學五眾法寶者第三諦所謂涅槃
除四沙門所攝學無學功德殘辟支佛功德
菩薩功德僧寶者四向四得學無學五眾餘
十善道四禪四無量等皆是道方便門是故

別說

形 大智度論卷五十七

十六

大智度論卷第五十七

形

蠱道

上古音

料理

上音察

溺

奴的反

螫

呼各反 一音釋

雇

音故

校

音教

便

古反

十

山城國級喜郡新村

靈鷲山剛恩卷沙門宗桂書寫

